

ENAKMEN KEBEBASAN MAKLUMAT NEGERI SELANGOR 2011

PERMOHONAN:

Peruntukan Kerajaan Negeri kepada Ahli Dewan Negeri Selangor

MAKLUMBALAS:

Untuk makluman pihak tuan, agihan peruntukan Ahli Dewan Negeri Selangor bagi tahun 2020 hingga 2022 adalah seperti berikut:

BIL	TAHUN	PUNCA KUASA
1	2020	Pekeliling Perbendaharaan Negeri Selangor Bil.1 Tahun 2019
2	2021	Surat Pekeliling Perbendaharaan Negeri Selangor Bil.2 Tahun 2021
3	2022	Pekeliling masih di dalam peringkat penyediaan oleh Perbendaharaan Negeri Selangor. <i>*Untuk maklumat lanjut, pihak tuan boleh mengakses melalui portal https://pwn.selangor.gov.my/ dari masa ke semasa.</i>



Ahli Majlis Mesyuarat Kerajaan Negeri,
Ahli Dewan Negeri,
Pegawai Daerah,
Negeri Selangor Darul Ehsan

PEKELILING PERBENDAHARAAN BILANGAN 1 TAHUN 2019

GARIS PANDUAN PENGGUNAAN PERUNTUKAN AHLI MESYUARAT MAJLIS KERAJAAN NEGERI DAN AHLI DEWAN NEGERI SELANGOR

1. TUJUAN

- 1.1 Pekeliling Perbendaharaan ini adalah bertujuan untuk memaklumkan kepada Ahli Majlis Mesyuarat Kerajaan Negeri (AMMKN), Speaker, Ahli Dewan Negeri (ADN) Selangor, dan Pegawai Daerah selaku Pegawai Pengawal mengenai penggunaan Akaun Khas peruntukan AMMKN, Speaker dan ADN di setiap Pejabat Daerah dan Tanah bagi

memastikan pengurusan peruntukan ini adalah selari dengan prinsip keupayaan, kebertanggungjawaban dan ketelusan.

2. LATAR BELAKANG

2.1 Selaras dengan keputusan Majlis Mesyuarat Kerajaan Negeri (MMKN) ke 1/2019 yang diadakan pada 16 Januari 2019 dan disahkan oleh MMKN ke 2/2019 pada 25 Januari 2019 telah meluluskan peruntukan tahunan bagi AMMKN, Speaker, ADN, Pegawai Penyelaras dan ADN Bukan Kerajaan berdasarkan bilangan pengundi berdaftar Negeri Selangor yang sah didaftarkan oleh Suruhanjaya Pilihan Raya Malaysia (SPR) sehingga tahun 2018. Perincian pengagihan peruntukan tahunan tersebut adalah seperti di **JADUAL A.**

2.2 Peruntukan ini disediakan bagi memudahkan AMMKN, Speaker dan ADN menjalankan projek-projek kecil bagi meningkatkan infrastruktur asas dan kemudahan awam serta menjalankan aktiviti mesra rakyat di kawasan Dewan Negeri masing-masing.

3. AKAUN BANK DAN PENGURUSAN PERUNTUKAN

3.1 Akaun bank adalah di atas nama Pegawai Pengawal (Pegawai Daerah) di bank-bank tempatan berhampiran.

3.2 Akaun ini hendaklah diuruskan oleh Pegawai Pengawal (Pegawai Daerah) yang berkaitan.

4. SUMBER KEWANGAN

4.1 Akaun ini hendaklah dikreditkan daripada Pemberian Langsung (*Outright/ Direct Grant*) yang disalurkan oleh Unit Perancang Ekonomi Negeri (UPEN).

5. TANGGUNGJAWAB PEGAWAI PENGAWAL

5.1 **Pegawai Pengawal** adalah Pegawai Daerah yang dilantik sebagai Ketua Jabatan di Pejabat Daerah dan Tanah yang bertanggungjawab ke atas pentadbiran daerah dan pengurusan kewangan serta tertakluk kepada arahan yang dikeluarkan dari masa ke semasa.

5.2 Pegawai Pengawal boleh mengarahkan secara bertulis kepada pegawai di bawah kawalan pentadbirannya untuk menjalankan tugas dan tanggungjawab bagi pihaknya.

5.3 Pengurusan Buku Tunai hendaklah disediakan secara berasingan bagi setiap AMMKN dan ADN.

5.4 Semua pengeluaran wang daripada Akaun ini hendaklah dibuat dengan baucar yang telah disahkan oleh Pegawai Pengawal atau Pegawai Perakaunan yang diarahkan. Pegawai Pengawal hendaklah memastikan penerimaan dan pembayaran tersebut dicatatkan dalam buku tunai.

- 5.5 Pegawai Pengawal atau Pegawai Perakaunan yang diarahkan hendaklah memastikan akaun ini berbaki kredit dan pengeluaran peruntukan adalah bagi perkara-perkara yang telah ditetapkan oleh Kerajaan Negeri.
- 5.6 Pegawai Pengawal hendaklah mengemukakan satu Penyata Penerimaan dan Bayaran seperti di **LAMPIRAN 1** yang mengandungi butiran berhubung baki permulaan, terimaan dan bayaran bagi tahun berkenaan dan baki pada 31 Disember kepada Timbalan Setiausaha Kerajaan (Pembangunan) [TSUK (P)], tidak lewat dari 10 Januari pada tahun berikutnya. Sesalinan penyata ini hendaklah dikemukakan kepada Pegawai Kewangan Negeri.
- 5.7 Pegawai Pengawal adalah dikehendaki untuk memastikan Penyata Penyesuaian Bank bagi setiap akaun bank di bawah senggaraan Pejabat Daerah dan Tanah disediakan pada setiap bulan. Penyata Penyesuaian Bank tersebut hendaklah disediakan selewat-lewatnya pada 14 hari bulan di bulan berikutnya.
- 5.8 Pegawai Pengawal adalah dikehendaki untuk mengemukakan Borang AK52 (Kuasa Tetap) kepada Perbendaharaan Negeri Selangor (u.p: Bahagian Akaun) setiap kali ada pertukaran penandatanganan atau perubahan had kuasa menandatangani cek bagi akaun bank di bawah senggaraan Pegawai Daerah. Format AK52 adalah seperti di **LAMPIRAN 2**.

- 5.9 Akaun ini hendaklah ditutup apabila ia tidak diperlukan lagi dan baki kredit di dalam akaun ini hendaklah dimasukkan ke dalam Akaun Hasil Disatukan.
- 5.10 Pegawai Pengawal hendaklah mengemukakan laporan perbelanjaan bulanan peruntukan AMMKN dan ADN seperti di **LAMPIRAN 3** selewat-lewatnya pada 10 hari bulan di bulan berikutnya kepada TSUK (P).
- 5.11 Pengawalan dan pengurusan peruntukan hendaklah sentiasa tertakluk kepada terma-terma pekeliling ini, Arahan Perbendaharaan, peraturan-peraturan kewangan yang berkuat kuasa dan apa-apa arahan yang dikeluarkan oleh Perbendaharaan Negeri dari semasa ke semasa.
- 5.12 Pegawai Pengawal juga bertanggungjawab dalam memastikan perbelanjaan peruntukan AMMKN dan ADN dibelanjakan secara adil dan telus sama ada dari segi perolehan, perkhidmatan dan pengurusan kewangan supaya peruntukan yang disalurkan dapat memberi faedah kepada rakyat.
- 5.13 Pegawai Pengawal hendaklah memastikan penggunaan Borang Permohonan Kelulusan Pengeluaran Peruntukan seperti di **LAMPIRAN 4**. Permohonan/tuntutan hendaklah disertakan dengan dokumen-dokumen yang berkaitan bagi memastikan ianya dibuat dengan teratur.

6. PENGGUNAAN PERUNTUKAN

6.1 Penggunaan peruntukan ini terbahagi kepada empat (4) kategori seperti berikut:

(i) Pengurusan Pejabat ADN

Perbelanjaan ini meliputi semua kos **perbelanjaan pengurusan pejabat** tidak melebihi **RM72,000.00** setahun bagi penyewaan ruang pejabat, penyewaan mesin fotostat, penyelenggaraan pejabat, pembayaran bil utiliti, pembelian komputer, pencetak, alat tulis, perbelanjaan mesyuarat serta lain-lain peralatan dan keperluan dalam pengurusan pejabat.

Peruntukan **RM72,000.00** ini, jika tidak digunakan untuk pengurusan pejabat, maka ia boleh digunakan bagi lain-lain perbelanjaan yang terkandung di dalam pekeliling ini.

(ii) Projek-projek Kecil

Projek kecil merangkumi perolehan kerja bagi projek infrastruktur, kemudahan awam termasuk penyelenggaraan. Contoh-contoh projek adalah seperti berikut:

- a. Mengecat bangunan;

- b. Menyelenggara peralatan / membina kemudahan (contoh jambatan kecil, jeti kecil dan lain-lain);
- c. Penyelenggaraan pagar, pondok kawalan dan pintu keluar masuk kawasan;
- d. Penyelenggaraan lantai dan dinding bangunan;
- e. Penyelenggaraan bumbung, atap, saluran air hujan, *culvert* dan sistem kalis air;
- f. Menyelenggara dan membaiki tandas, sistem paip air, sistem kumbahan dan pembetulan;
- g. Membaiki/ pendawaian semula elektrik tidak termasuk kerja-kerja penyaman udara;
- h. Penyelenggaraan longkang dan sistem perparitan dalam kawasan;
- i. Penyelenggaraan landskap sedia ada dan bersesuaian; dan
- j. Membina dan menyelenggara jalan kampung/ jalan pertanian (termasuk menampal jalan).

Kos bagi setiap satu Projek Kecil Pembangunan hendaklah **tidak melebihi RM50,000.00** dan proses perolehan serta pengurusan kontrak hendaklah dibuat

melalui Pejabat Daerah dan Tanah. Kerja-kerja hendaklah dilaksanakan oleh kontraktor **kelas G1** tempatan yang **berdaftar dengan UPEN** dan mematuhi dasar serta tatacara perolehan yang sedang berkuat kuasa.

Projek-projek kecil perlu dilaksanakan pada kadar sekurang-kurangnya 30 peratus daripada peruntukan yang diberi. Penetapan kadar tersebut dibuat adalah bagi merealisasikan hasrat Kerajaan Negeri dalam meningkatkan kualiti infrastruktur awam dan infrastruktur asas yang dapat dimanfaatkan oleh setiap lapisan masyarakat di kawasan masing-masing.

(iii) Sumbangan Kemasyarakatan Secara Tunai

Sumbangan kemasyarakatan berupa pemberian derma dan sumbangan sugu hati kepada rakyat miskin, warga emas, anak yatim, ibu tunggal, orang kurang upaya, badan atau individu seperti persatuan dan Pertubuhan Bukan Kerajaan yang berdaftar dan tidak bermotifkan keuntungan, mangsa bencana, mangsa kemalangan, penghidap penyakit kronik dan bantuan kepada jawatankuasa masjid/surau dan rumah ibadat yang berdaftar.

Sekiranya terdapat Pertubuhan Bukan Kerajaan atau persatuan yang tidak berdaftar yang memohon sumbangan, AMMKN dan ADN hendaklah membuat

pengesahan secara rasmi bahawa Pertubuhan Bukan Kerajaan atau persatuan yang tidak berdaftar tersebut melaksanakan aktiviti atau program yang memberi manfaat kepada masyarakat.

Sumbangan tunai diberikan kepada setiap penerima adalah **tidak melebihi RM10,000.00 setahun dan bukanlah sumbangan bulanan.**

(iv) Program dan Aktiviti Mesra Rakyat

Program Mesra Rakyat seperti program turun padang, sesi dialog bersama rakyat, ziarah, program menceriakan kawasan sempena perayaan, program belia dan sosial, program-program kemasyarakatan termasuk perolehan pembelian barang-barang serta perkhidmatan boleh dilaksanakan **tidak melebihi RM20,000.00 bagi setiap program.**

- 6.2 Sumbangan kemasyarakatan, sumbangan kecemasan dan Program Mesra Rakyat boleh dilaksanakan dengan syarat **jumlah keseluruhan kos program tidak melebihi 70 peratus daripada jumlah peruntukan yang disalurkan.**
- 6.3 Baki peruntukan yang tidak dibelanjakan adalah dibenarkan untuk di bawa ke tahun hadapan setelah mendapat kelulusan daripada TSUK (P).

7. WANG PENDAHULUAN ADN

- 7.1 Setiap ADN akan diperuntukkan sejumlah **RM50,000.00** pada setiap masa bagi Wang Pendahuluan daripada peruntukan ADN.
- 7.2 Keutamaan penggunaan Wang Pendahuluan adalah bagi tujuan sumbangan/bantuan kepada mangsa bencana alam, kebakaran, penghidap penyakit kronik dan kemalangan. Peruntukan ini juga boleh digunakan bagi tujuan seperti di para 6.0 di atas kecuali bagi para 6.1(ii) Projek-projek Kecil.
- 7.3 Reкупmen perlu diwujudkan di Pejabat ADN dan baki wang pendahuluan tersebut hendaklah tidak melebihi **RM50,000.00** pada setiap masa. Pegawai Pengawal hendaklah memantau reкупmen Wang Pendahuluan tersebut dan perbelanjaan bulanan yang telah dibuat. Wang Pendahuluan ini hendaklah dikreditkan semula ke Akaun ADN sekiranya ia tidak habis digunakan setelah perkhidmatan ADN ditamatkan.
- 7.4 Setiap ADN perlu mengesahkan dan mengemukakan maklumat-maklumat yang lengkap seperti di **LAMPIRAN 4 (Borang C)** kepada Pejabat Daerah dan Tanah setiap kali permohonan reкупmen dibuat.

8. PENGUBAHSUAIAN PEJABAT ADN

- 8.1 Setiap ADN dibenarkan membuat kerja-kerja pengubahsuaian pejabat **sekali sahaja setiap lima (5) tahun** dengan menggunakan peruntukan ADN dan tidak melebihi **RM20,000.00**.
- 8.2 Syarat-syarat pelantikan kontraktor tertakluk kepada **para 6.1 (ii)**.

9. SUMBANGAN DAN PROGRAM DI LUAR KAWASAN DEWAN NEGERI

Sumbangan dan program di luar kawasan Dewan Negeri adalah dibenarkan, tertakluk kepada perkara berikut:

- 9.1 AMMKN dibenarkan untuk menggunakan sehingga **RM300,000.00 setahun** daripada peruntukan AMMKN bagi mengadakan semua program seperti di para 6.
- 9.2 ADN dibenarkan untuk menggunakan sehingga **RM50,000.00 setahun** bagi mengadakan aktiviti/program seperti di para 6.0 kecuali para 6.1 (ii).
- 9.3 Bagi maksud perenggan ini, tafsiran "Di Luar Kawasan Dewan Negeri" adalah merujuk kepada mana-mana kawasan Dewan Negeri **di Negeri Selangor sahaja**.

10. TARIKH KUAT KUASA

10.1 Arahan ini berkuat kuasa pada 1 Mac 2019 tertakluk kepada prosedur kewangan serta lain-lain peraturan Kerajaan yang sedang berkuat kuasa.

11. PEMBATALAN

11.1 Pekeliling Perbendaharaan Negeri Selangor Bil. 2/2017 adalah dibatalkan.

Sekian, terima kasih.

“ SELANGOR MAJU BERSAMA ”
“BERKHIDMAT UNTUK NEGARA”

Saya yang menjalankan amanah,



(DATO' NOR AZMIE DIRON) D.P.M.S
Pegawai Kewangan Negeri
Selangor Darul Ehsan

Tarikh: 27 Februari 2019

Salinan kepada:

- i. YAB Dato' Menteri Besar Selangor
- ii. YB Setiausaha Kerajaan Negeri Selangor
- iii. Timbalan Setiausaha Kerajaan Negeri Selangor (Pembangunan)

JADUAL A
PERINCIAN PENGAGIHAN PERUNTUKAN
AHLI MESYUARAT KERAJAAN NEGERI (AMMKN), SPEAKER DAN
AHLI DEWAN NEGERI (ADN)

KATEGORI	BILANGAN PENGUNDI (ORANG)	DEWAN NEGERI	PERUNTUKAN TAHUNAN (RM)
AMMKN	30,000 - 45,000	N.16 – SUNGAI TUA	1,080,000.00
		N.44 – SELAT KLANG	
		N.38 – PAYA JARAS	
	45,000 - 60,000	N.20 – LEMBAH JAYA	1,130,000.00
		N.21 – PANDAN INDAH	
		N.29 – SERI SERDANG	
		N.41 – BATU TIGA	
		N.45 – BANDAR BARU KLANG	
	60,000 ke atas	N.50 – KOTA KEMUNING	1,180,000.00
		N.25 – KAJANG	
	N.30 – KINRARA		
TUAN SPEAKER	Di bawah 30,000.00	N.04 – SEKINCHAN	1,030,000.00
AHLI DEWAN NEGERI	Di bawah 30,000.00	N.02 – SABAK	730,000.00
		N.06 – KUALA KUBU BAHARU	
		N.09 – PERMATANG	
		N.10 – BUKIT MELAWATI	
		N.11 – IJOK	
		N.12 – JERAM	
		N.13 – KUANG	
		N.54 – TANJONG SEPAT	
AHLI DEWAN NEGERI	30,000 - 45,000	N.56 – SUNGAI PELEK	780,000.00
		N.15 – TAMAN TEMPLER	
		N.28 – SERI KEMBANGAN	
		N.33 – TAMAN MEDAN	
		N.34 – BUKIT GASING	
		N.42 – MERU	
		N.43 – SEMENTA	
	45,000 - 60,000	N.46 – PELABUHAN KLANG	830,000.00
		N.52 – BANTING	
		N.53 – MORIB	
	N.07 – BATANG KALI		
	N.14 – RAWANG		

KATEGORI	BILANGAN PENGUNDI (ORANG)	DEWAN NEGERI	PERUNTUKAN TAHUNAN (RM)
		N.17 – GOMBAK SETIA	
		N.18 – HULU KELANG	
		N.19 – BUKIT ANTARABANGSA	
		N.22 – TERATAI	
		N.23 – DUSUN TUA	
		N.24 – SEMENYIH	
		N.26 – SUNGAI RAMAL	
		N.32 – SERI SETIA	
		N.35 – KAMPUNG TUNKU	
		N.36 – BANDAR UTAMA	
		N.39 – KOTA DAMANSARA	
		N.40 – KOTA ANGGERIK	
AHLI DEWAN NEGERI	45,000 - 60,000	N.47 – PANDAMARAN	830,000.00
		N.48 – SENTOSA	
		N.49 – SUNGAI KANDIS	
		N.55 – DENGKIL	
60,000 ke atas	N.27 – BALAKONG	880,000.00	
	N.31 – SUBANG JAYA		
	N.37 – BUKIT LANJAN		
PEGAWAI PENYELARAS	Di bawah 30,000.00	N.01 – SUNGAI AIR TAWAR	580,000.00
		N.05 – HULU BERNAM	
		N.08 – SUNGAI BURONG	
30,000 - 45,000	30,000 - 45,000	N.03 – SUNGAI PANJANG	630,000.00
		N.51 – SIJANGKANG	
AHLI DEWAN NEGERI BUKAN KERAJAAN	Di bawah 30,000.00	N.01 – SUNGAI AIR TAWAR	150,000.00
		N.05 – HULU BERNAM	
		N.08 – SUNGAI BURONG	
30,000 - 45,000	30,000 - 45,000	N.03 – SUNGAI PANJANG	150,000.00
		N.51 – SIJANGKANG	

Nota kaki : Peruntukan tahunan bagi AMMKN dan Speaker adalah berdasarkan pengiraan berikut:

Peruntukan tahunan ADN + RM300,000.00
(berdasarkan bil.pengundi)



Ahli Majlis Mesyuarat Kerajaan Negeri,
Ahli Dewan Negeri,
Pegawai Daerah,
Negeri Selangor Darul Ehsan.

**SURAT PEKELILING PERBENDAHARAAN
BILANGAN 2 TAHUN 2021**

**PINDAAN KEDUA JADUAL A - PEKELILING PERBENDAHARAAN
NEGERI SELANGOR BILANGAN 1 TAHUN 2019:
GARIS PANDUAN PENGGUNAAN PERUNTUKAN AHLI
MESYUARAT MAJLIS KERAJAAN NEGERI DAN AHLI DEWAN
NEGERI SELANGOR**

1. TUJUAN

Surat Pekeliling Perbendaharaan (SPP) ini adalah bertujuan untuk meminda dan memaklumkan kepada Ahli Majlis Mesyuarat Kerajaan Negeri (AMMKN), Speaker, Ahli Dewan Negeri (ADN) Selangor, dan Pegawai Daerah selaku Pegawai Pengawal mengenai pindaan kedua kepada Jadual A, Perincian Pengagihan Peruntukan Ahli Mesyuarat Kerajaan Negeri (AMMKN), Speaker Dan Ahli Dewan Negeri (ADN).

2. LATAR BELAKANG

2.1 Pekeliling Perbendaharaan Negeri Selangor Bilangan 1 Tahun 2019 (PPNS Bil.1/2019) berhubung Garis Panduan Penggunaan Peruntukan Ahli Mesyuarat Majlis Kerajaan Negeri Dan Ahli Dewan Negeri Selangor yang berkuat kuasa pada 27 Februari 2019 telah menggariskan penggunaan peruntukan tahunan bagi AMMKN, Speaker, ADN, Pegawai Penyelaras dan ADN Bukan Kerajaan berdasarkan bilangan pengundi berdaftar Negeri Selangor yang sah didaftarkan oleh Suruhanjaya Pilihan Raya Malaysia (SPR).

3. PERINCIAN PENGAGIHAN PERUNTUKAN TAHUNAN

3.1 Pada tahun 2020, dinamika politik yang berlaku di peringkat negeri menyebabkan penjajaran politik dilaksanakan. Justeru, penyelarasan semula telah dibuat oleh Pentadbiran Kerajaan Negeri Selangor.

3.2 Pengagihan baharu peruntukan tahunan bagi AMMKN, Speaker, ADN, Pegawai Penyelaras dan ADN Bukan Kerajaan adalah selaras dengan keputusan Majlis Mesyuarat Kerajaan Negeri (MMKN) ke-1/2021 yang diadakan pada 13 Januari 2021 dan disahkan oleh MMKN ke-2/2021 pada 20 Januari 2021. Perincian pindaan jadual adalah seperti di **JADUAL A – Pindaan Kedua.**

4. PEMBATALAN

4.1 Surat Pekeliling Perbendaharaan Negeri Selangor Bilangan 1/2019: Pindaan Kedua Jadual A - Pekeliling Perbendaharaan Negeri Selangor Bilangan 1 Tahun 2019: Garis Panduan Penggunaan Peruntukan Ahli Mesyuarat Majlis Kerajaan Negeri Dan Ahli Dewan Negeri Selangor **adalah dibatalkan.**

5. TARIKH KUAT KUASA

5.1 Arahan ini berkuat kuasa pada tarikh ia dikeluarkan dan hendaklah dibaca bersama-sama Pekeliling Perbendaharaan Negeri Selangor (**PPNS**) **Bil.1/2019** serta tertakluk kepada prosedur kewangan dan lain-lain peraturan Kerajaan yang sedang berkuat kuasa.

Sekian, terima kasih.

“ SELANGOR MAJU BERSAMA ”
“BERKHIDMAT UNTUK NEGARA”

Saya yang menjalankan amanah,



(DATO' NOR AZMIE DIRON) D.P.M.S
Pegawai Kewangan Negeri
Selangor Darul Ehsan

Tarikh: 1 Februari 2021

Salinan kepada:

- i. YAB Dato' Menteri Besar Selangor
- ii. YB Setiausaha Kerajaan Negeri Selangor
- iii. Timbalan Setiausaha Kerajaan Negeri Selangor (Pembangunan)

JADUAL A – Pindaan Kedua
PERINCIAN PENGAGIHAN PERUNTUKAN
AHLI MESYUARAT KERAJAAN NEGERI (AMMKN), SPEAKER DAN
AHLI DEWAN NEGERI (ADN)

KATEGORI	BILANGAN PENGUNDI (ORANG)	DEWAN NEGERI	PERUNTUKAN TAHUNAN (RM)
AMMKN	Di bawah 45,000	N.16 – SUNGAI TUA	1,100,000.00
		N.38 – PAYA JARAS	
		N.54 – TANJONG SEPAT	
	45,000 - 60,000	N.21 – PANDAN INDAH	1,130,000.00
		N.29 – SERI SERDANG	
		N.41 – BATU TIGA	
		N.45 – BANDAR BARU KLANG	
		N.49 – SUNGAI KANDIS	
	60,000 ke atas	N.50 – KOTA KEMUNING	1,180,000.00
N.25 – KAJANG			
N.30 – KINRARA			
TUAN SPEAKER	Di bawah 45,000.00	N.04 – SEKINCHAN	1,100,000.00
AHLI DEWAN NEGERI	Di bawah 45,000.00	N.02 – SABAK	800,000.00
		N.06 – KUALA KUBU BAHARU	
		N.09 – PERMATANG	
		N.10 – BUKIT MELAWATI	
		N.11 – IJOK	
		N.28 – SERI KEMBANGAN	
		N.34 – BUKIT GASING	
		N.42 – MERU	
		N.46 – PELABUHAN KLANG	
		N.52 – BANTING	
		N.53 – MORIB	
		N.56 – SUNGAI PELEK	
	45,000 – 60,000	N.14 – RAWANG	830,000.00
		N.15 – TAMAN TEMPLER	
		N.18 – HULU KELANG	
		N.22 – TERATAI	
		N.23 – DUSUN TUA	
		N.32 – SERI SETIA	
		N.33 – TAMAN MEDAN	
N.35 – KAMPUNG TUNKU			
N.36 – BANDAR UTAMA			
N.39 – KOTA DAMANSARA			

KATEGORI	BILANGAN PENGUNDI (ORANG)	DEWAN NEGERI	PERUNTUKAN TAHUNAN (RM)
AHLI DEWAN NEGERI	45,000 – 60,000	N.40 – KOTA ANGGERIK	830,000.00
		N.47 – PANDAMARAN	
		N.48 – SENTOSA	
	60,000 ke atas	N.26 – SUNGAI RAMAL	880,000.00
		N.27 – BALAKONG	
		N.31 – SUBANG JAYA	
N.37 – BUKIT LANJAN			
PEGAWAI PENYELARAS	Di bawah 45,000	N.01 – SUNGAI AIR TAWAR	650,000.00
		N.03 – SUNGAI PANJANG	
		N.05 – HULU BERNAM	
		N.08 – SUNGAI BURONG	
		N.12 – JERAM	
		N.13 – KUANG	
		N.44 – SELAT KLANG	
	45,000 – 60,000	N.07 – BATANG KALI	680,000.00
		N.17 – GOMBAK SETIA	
		N.19 – BUKIT ANTARABANGSA	
AHLI DEWAN NEGERI BUKAN KERAJAAN	Di bawah 45,000	N.20 – LEMBAH JAYA	150,000.00
		N.24 – SEMENYIH	
		N.43 – SEMENTA	
		N.55 – DENGKIL	
		N.01 – SUNGAI AIR TAWAR	
		N.03 – SUNGAI PANJANG	
		N.05 – HULU BERNAM	
		N.08 – SUNGAI BURONG	
N.12 – JERAM			
N.13 – KUANG			
N.44 – SELAT KLANG			
N.51 – SIJANGKANG			

KATEGORI	BILANGAN PENGUNDI (ORANG)	DEWAN NEGERI	PERUNTUKAN TAHUNAN (RM)
AHLI DEWAN NEGERI BUKAN KERAJAAN	45,000 – 60,000	N.07 – BATANG KALI	150,000.00
		N.17 – GOMBAK SETIA	
		N.19 – BUKIT ANTARABANGSA	
		N.20 – LEMBAH JAYA	
		N.24 – SEMENYIH	
		N.43 – SEMENTA	
		N.55 – DENGKIL	

Nota kaki : Peruntukan tahunan bagi AMMKN dan Speaker adalah berdasarkan pengiraan berikut:

Peruntukan tahunan ADN + RM300,000.00
(berdasarkan bil.pengundi)